

[fol. 128r]

*Ausgab auf den Traid- vnd  
Malzvmbschlag*

Zum Bschluß Rechnung, als den 13., 16.,  
18. et 19. May. Item 5. Juny Anno 1665,<sup>142</sup>  
vnder gewöhnlichem Malzvmbsturz, dabey  
widerumben Johann Wölfl, Curfürstlicher Mautt-  
vnnnd Casstengegenschreiber alhie, die *Com-  
miszion* gehebt, ist denen gebrauchten  
9 Tagwerchern, Wolfen Englman, Con-  
rad Wibman vnnnd Wolfen Seher *et Cons.*  
miteinander 45 Taglohn, yedes in  
Erwögung der vngesundten, staubingen Ar-  
beit zu 24 kr. bezalt worden, *thuet*  
18 fl.

Dem geschwornnen Messer Hanns Carln  
daß gewöhnliche *Deputat*, deß Tags  
30 kr., *per* 5 Täg verraicht  
2 fl. 30 kr.

*Huius* fl. 20 [kr.] 30 —

[fol. 128v]

Vmb Prod, Lorber vnd Prandwein für die  
Vmbschläger  
1 fl. 45 kr.

Mehr innen  $\frac{3}{8}$  Pier zum Trunckh, *thuet*  
4 fl. 39 kr.

Dem *Commiszario* ist vermüg genedigister Be-  
willigung zur *Recompens* ain Vaß Pier  
bezalt mit  
6 fl. 10 kr.

Zu Herbstzeit vnd den Winter hindurch  
vnderm Waizneinkauf, weiln yeweiln  
der Waiz veicht hereinkombt, ist derselbe  
vf den Cässtn vnderschiedlichmal vmbgesezt  
vnd geriert, den hierunder gebrauchten  
Tagwerchern, Conrad Wibman, Wolfen  
Englman *et Cons.*, laut Zetl zalt worden  
N<sup>o</sup>. 108 24 fl. 42 kr.

*Huius* fl. 40 [kr.] 16

<sup>142</sup> Gemeint ist zum Ende der Vorjahresrechnung oder der 5. Juni 1666.